

欲按怎幫助別人

各位評審，各位來賓，逐(tak)家好，我是第一號，今仔日我欲演講的題目是「欲按怎幫助別人」。

我感覺幫助別人，就親像幫助家己全款，幫助別人，家己嘛會感覺真快樂。繼(suà)落來，我欲來分享一個故事。

這個故事發生佇我身邊，佇我國校五年的時，阮班有一個同學，伊叫做阿良，一出世著有 Asperger 症，這是一種自閉症，雖然語言能力正常，嘛袂比人較戇，毋過個性較孤癖，跤手較慢鈍，佻人接(tsih)接抑是溝(koo)通會有一寡困難；毋若按呢，伊閣有一種怪癖，有時仔上課上到一半，會剝(pak)家己的跤皮來食，予人看著強欲吐。因為按呢，真濟同學攏共伊排斥，甚至會共伊欺負。

老師開真濟時間共全班說明阿良的狀況(tsōng-hóng)，請逐家愛佻伊做朋友。毋過逐家猶是驚驚，毋敢佻伊做伙。畢業旅行的時，老師為著同學分組的代誌，煩惱甲憂頭結面，我共老師講我願意佻伊全一組，老師真歡喜講：「好！」

旅行的彼幾工，阮佻阿良行鬥陣，食全桌；睏全間，

佇房間內相偃(ián)，用枕頭相擎(khian)，阮幾個褲頭結相黏(liâm)，阿良的笑容漸漸浮出來矣，看著伊彼幾工滿面春風笑瞇瞇，阮嘛喙笑目笑真歡喜。這件代誌予我知影，替別人想就是幫助別人。

俗語話講，做好代，較贏食早齋。幫助別人無啥物撇步，有心欲做，做落去就著矣。我的演講到遮結束，感謝逐(ták)家。